

Ka Moporesidente Henry B. Eyring
Mogakolodi wa Ntlha mo Boporesidenteng jwa Ntlha

Malebogo mo Letsatsing la Sabata

Go Baitshapi ba malatsi a Bofelo, Letsatsi la Sabata ke la malebogo le lorato.

Bakaulengwe bame ba ba rate-gang ba lo gasameng le lefatshe mo Kerekeng ya ga Jeso Keresete ya Baitshapi ba Malatsi a Bofelo, ke lebogela gore Moporesidente Thomas S. Monson a bo a nkopile gore ke bue mo khonferenseng ka letsatsi la Sabata. Ke rapela gore Moya o o Boitshepo o ise mafoko ame mo pelong tsa lona.

Gompieno ke eletsa go bua ka maikutlo a pelo. A ke tlaa itebaganyang le one ke malebogo—segolo jang ka Letsatsi la Sabata.

Re lebogela dilo tse di ntsi: tshiamo go tswa mo moeng re sa mo itse, dijo fa re tshwerwe ke tlala, marulelo godimo ga tlhogo tsa rona fa dipula di simologa, lerapo le le folang fa le robegile, le selelo sa ngwana yo o tshotsweng bosheng. Re le bantsi re tlaa gakologelwa maikutlo a malebogo ka sebaka seo.

Go Baitshapi ba malatsi la bofelo, Sabata ke sebaka seo, tota letsatsi, la malebogo le lorato. Morena o ne a ruta Baitshapi kwa Jackson County, Missouri, ka 1831 gore dithapelo le

malebo a bone a lebagangwe le legodimo. Baitshapi ba pele ba ne ba neetswe tshenolo ka go tshegetsa letsatsi la Sabata le go ka itima dijo le go rapela.¹

Bone, le rona, bane ba bolelelwa ke Morena gore ba obamele jang le go fa malebo mo letsatsing la Sabata. Jaaka o ka bolela, se se botlhokwa go gaisa ke lorato le re le utlwang go yo o re neelang dimpho. Fano ke mafo-ko a Morena kafa go ka neelwang malebo le lorato ka teng le ka fa go ka ratwang mo Sabata:

“Ke ba neela taelo, ke re jaana: Lo rate Morena Modimo wa lona ka pelo tsa lona tsoitlhe, ka maatla a lona otlhe, tlhaloganyo, le nonofo; mme mo leineng la ga Jeso Keresete lo tlaa mo direla. . . .

“O tla fa Morena Modimo wa gago ditebogo mo sengwe le sengwe.

“O tlaa fa setlhabelo go Morena Modimo wa gago mo tshiamong, le eleng sa pelo e e thubegileng le mowa o ngomogileng.”²

Mme jalo Morena o tswelela ka go tlhagisa ka kotsi fa re lebala go

leboga Rara yo o kwa Legodimong le Jeso Keresete jaaka bane ba dimpho: “Ga go sepe se se kgopisang Modimo, kgotsa ga go ope yo o utlwang bogale jwa gagwe, kwantle ga ba ba sa boleleleng seatla sa gagwe mo dilong tsoitlhe, le go sa obamele ditaello.”³

Bontsi jwa lona ba lo reeditseng lo bona boitumelo mo Sabateng jaaka letsatsi la go gakologelwa le go fa ditebogo go Modimo go di tshhegofatso. Lo gakologelwa pina e e tumileng:

*Fa o le mo sefefong se go isa kwa le kwa,
Fa o sa kgothatshega; o akanya gore tsoitlhe di latlhegile,
Bala ditshegofatso tsa gago tse dintsi; o di bitse ka bongwe ka bongwe,
Mme o tlaa gakgamalela se Morena a se dirileng.*

*Bala ditshegofatso tsa gago;
Di bitse ka bongwe ka bongwe.
Bala ditshegofatso tsa gago;
Bona se Modimo a se dirileng. . . .*

*Aa o tshwenngwa ke morwalo o o tshwanetseng go o rwala?
Aa mokgoro o bokete o o bileditshweng go o sikara?
Bala ditshegofatso tse dintsi tsa gago; mme pelaelo tsoitlhe di tlaa foja,
Mme o tlaa opela fa malatsi a ntse a tsamaya.⁴*

Ke amogela makwalo le go etelwa ke Baitshapi ba malatsi a bofelo ba ba tshwentsweng ke morwalo o ba tshwenetseng go o sikara. Bangwe ba gaufi le go ikutlwa jalo, mme go bone, tsoitlhe di latlhegile. Ke solofela le go rapela gore se ke se buang ka go leboga mo Sabateng go tlaa thusa go dira gore dipelaelo di fofe le gore kopelo e simolole mo pelong tsa lona.

Nngwe ya ditshegofatso tseo re ka di lebogelang ke ya gore re mo bokopanong jwa skaramente ka gotlhe, re phuthegile le bontsi go feta bongwe

kgotsa bobedi jwa barutwana jwa Gagwe mo leineng la Gagwe. Gona le bangwe kwa gae ba ba sa kgoneng go tsoga mo malaong a bone. Gona le ba ba batlang go bo bale fa re leng teng mme ba direla mo dipateleng le go fa thuso mo sechabeng kgotsa go re sireletsa ba beile matshelo a bone mo kotsing mo sekakeng kgotsa sekgwa. Go bo re kgona go phuthega le e leng mongwe wa Moitshepi le go ja sakaramente go ka re thusa go nna le maikutlo a malebogo le lorato go bosiami jwa Modimo.

Ka ntlha ya Moperofeti Joseph Smith le go tsosolosiwa ga efangele, nngwe ya ditshegofatso tse re ka di balang ke gore rena le sebaka sa go ja sakaramente beke le beke—e baakantswe, e segofaditswe, le go abiwa ke batlhanka ba Modimo. Re ka nna le malebogo fa Mowa o o Boitshepo o tlhomaisa go rona gore mafoko a thapelo ya sakaramente, e e fiwang ke baperesiti ba ba laoletsweng, ba tlotlomadiwa ke Rraetsho yo o kwa Legodimong.

Go ditshegofatso tsothe tse re ka di balang, mogogolo go feta ke maikutlo a boitshwarelo a a tlang jaaka re ja sakaramente. Re utlwa lorato le legolo le go lebogela Mmoloki, yo setlhabelo se sa feleng se dirileng go ntlafadiwa mo sebeng. Jaaka fa re e ja borotho le metsi, re gakologelwa gore O bogisetse rona. Fa re ikutlwa re lebogela se a se re diretseng, re utlwa lorato la Gagwe go rona le la rona go Ene.

Ditshegofatso tsa lorato le re lo amogelang le tlaa dira gore go nne motlhofo mo go rona go tshegetsa ditaello “go mo gakologelwa ka metlha.”⁵ O ka nna wa nna le maikutlo a lorato le malebogo, jaaka ke ntse, gonne Mowa o o Boitshepo, yo o Rraetsho yo o kwa Legodimong a o solofeditseng ka metlha o tlaa nna le rona jaaka re tswelala re nna boikanyego mo dikgolaganong tse re di dirileng. Re ka bala ditshegofatso tsothe tseo Sontaga mongwe le mongwe le go ikutlwea re leboga.

Sabata le gone ke nako e e siame-tseng go gakologelwa kgolagano e re

e dirileng kwa metsing a kolobetso go rata le go direla bana ba Rraetsho yo o kwa Legodimong. Go diragatsa tsholofetso e mo Sabateng go akaretsa go tsaya karolo mo setlhopheng kgotsa khoramo ka maikaelelo a tletseng a pelo go aga tumelo le lorato gareng ga bakaulengwe ba o nngang le bone. Tsholofelo eo e akaretsa diragatsa pitso ya gago ka boitumelo.

Ke lebogela Sontaga tse dintsi tse Ke rutileng khoramo ya batiakone mo Bountiful, Utah, le Sekolo sa Sontaga mo Idaho. E bile le gone Ke gakologelwa nako e ke diretseng ke le mothusa mosadi wame mo nesari, fa tiro ya me e kgolo ene ele go ba fa tse di tshamekang le go diphutha.

Ene ele dingwaga pele Ke lemoga ka Mowa o o Boitshepo gore tirelo ya me go Morena e ne e le botlhokwa mo matshelo a bana ba ga Rraetsho yo o kwa Legodimong. Se se gakgamatsang, bangwe ba bone ba gakologelwa mme ba ntebogela gobo ke lekile go ba direla le Mong mo malatsi a o a Sabata.

Jaaka fa nako tse dingwe re sa kgone go bona maduo a ditirelo tsa rona tse re di neelang ka Sabata, re ka tswa re sa kgone go bona maduo a bangwe batlhanka ba Morena. Mme Morena o aga Bogosi jwa Gagwe ka tidimalo ka batlhanka ba ba molemo ba gagwe, ka bonnye, go fitlhela letsatsi la kgalalelo la isago ya meleniale. Go tsaya Mowa o o Boitshepo go bona kgolo.

Ke godile keya phuthegong ya sakaramente mo lekalang le le botlana ko New Jersey lena le maloko ba le mmalwa le lelwapa le le lengwe e bong lwa me. Dingwaga tse masome a masupa le botlhano tse di fetileng, ke ne ka kolobediwa ko Philadelphia mo kagong e e nosi e e neng e agilwe ya Kereke mo Pennsylvania kgotsa New Jersey. Mme kwa go nneng go na le lekalana mo Princeton, New Jersey, koo go na le wate jaanong tse di tona tse pedi. Mme matsatsinyana a a fitileng, dikete tsa banana ba diragatsa mo moletlong pele ga tshwaelo ya Tempele ya Philadelphia Pennsylvania.

Fa ke le mmoatlana, kene ka bitswa ke le Moanamisa tumelo wa kgaolo ko re neng re obamela teng ka di Sontaga mo kagong e e neng e le yone fela mo Albuquerque, New Mexico. Gompiano go na le temple le dimapo tse nne.

Ke dule ko Albuquerque go ya sekolong ko Cambridge, Massachusetts. Go e go na le kago ele nngwe mo kgaolong e e neng e atologile go akaretsa Massachusetts le Rhode Island. Ke ne ke kgweetsa mo dithabeng tsa naga e e ntle go ya ko bo kopanong jwa sakaramente mo makalaneng a a ma botlana, bontsi ele mo kagong tse di hirisitsweng kgotsa mo malwapeng a tlhabolotsweng. Jaanong gona le tempele ya Modimo mo Belmont, Massachusetts, le dimapo tse di anameng le naga eo.

Se ke neng ke sa se bone sentle ene ele gore Morena one a goromeletsa Mowa wa Gagwe mo bathong mo bokopanong jwa Sakaramente. Ke ne ke utlwa, mme nne ke sa kgone go bona boleng le nako ya maikaelelo a Morena a go aga le go galaletsa bogosi jwa Gagwe. Moperofeti, ka tshenolo, o bone abo a kwala se le rona jaanong re ka se iponelang. Nifae o ne a re palo tsa rona ga di kake tsa nna tse di kgolo mme phitlhelelo ya lesedi e ka nna go bonwa:

Mme go ne ga diragala gore ke bone kereke ya Kwana ya Modimo, mme dipalo tsa yone di ne di se kae. . . .

“Mme go ne ga diragala gore Nna, Nifae, ke bone thata ya Kwana ya Modimo, gore e ne ya fologela mo godimo ga baitshepi ba kereke ya Kwana, le mo godimo ga batho ba kgolagano ba Morena, ba ba neng ba gasame mo sefatlhogong sotlhe sa lefatshe; mme ba ne ba ipapanne ka tshiamo le ka thata ya Modimo mo kgalalelong e kgolo.”⁶

Mo tebalebelo e, seperofeto sa tlhaloso se se tshwanang sa seemo sa rona le ditshono tse di tlang di kwadi-lwe mo Dithuto le Dikgolagano:

“Ga lo ise le tlhaloganye ka fa ditshegofatso tse dikgolo tseo Rraetsho a nang le tsone mo diatleng tsa gagwe le go le di bakanyetsa;

“Ga lo ka ke la tlhaloganyana dilo tsothe jaanong; le fa go ntse jalo, nnang le boitumelo, go nne Ke tlaa go etelela pele. Bogosi ke jwa lona le ditshegofa-tso ka jalo ke tsa lona, le dikhumo tsa bosakhutleng ke tsa lona.

“Mme yo o tlaa amogelang dilo tsothe ka *malebogo* o tlaa galalediwa; mme dilo tsa lefatshe leno o tlaa di fiwa, makgolo a menagane, ee, mo go ntsi.”⁷

Ke utlwile gore go fetoga ga gogola ga malebogo a ditshegofa-tso le lorato la Modimo le le golang Kereke ka bophara. Go lebea go gola gareng ga maloko a Kereke mo dinakong le mafelo a go nang le diteko tsa tumelo, koo ba tshwanetseng go kopa Modimo go ba thusa go le e leng go tswela pele.

Nako tse re tlaa fetang ka tsone di tlaa nna le diteko tse di thata, jaaka go diregile ka batho ba tshwana le Alema ka fa tlase ga ga Amulone yo o setlhogo, yo o beileng mekgweleo e e bokete go bone go e rwala:

“Mme go ne ga diragala gore len-tswela la Morena le tle kwa go bone mo dipogisegong tsa bone, le re: Tsholetsang dithlogo tsa lona mme lo nne le kgomotso e e molemo, gonne ke itse kgolagano e lo e dirileng go nna; mme ke tlaa golagana le batho ba me mme ke ba golole go tswa mo bokgobeng.

“Le gone ke tlaa tlhlofatsa mekgweleo e e pegwang mo magetleng a lona,

gore le lona tota lo seka lwa e utlwa mo mekwatleng ya lona, le fa le le mo bokgobeng; mme se ke tlaa se dira gore lo tle lo eme lo le basupi ba me morago fa, le gore lo itse ka nnete gore nna, Morena Modimo, ke etela batho ba me mo dipogisegong tsa bone.

“Mme jaanong go ne ga diragala gore mekgweleo e e neng e pegilwe mo go Alema le bakaulengwe ba gagwe e dirwe motlhofo; ee, Morena o ne a ba nonotsha mo ba neng ba kgona go rwala mekgweleo ya bone ka motlhofo, mme ba ne ba ineela ka boitumelo le bopelotelele go thato yotlhe ya Morena.”⁸

Wena le nna re basupi ba gore fa re tshetsa kgolagano le Modimo, segolo jang fa gole thata, O utlwile dithapelo tsa rona tsa malebogo a se a se re diretseng le go araba dithapelo tsa rona tsa kopo ya nonofo go itshoka ka boikanyego. Go fetisa gangwe O re dirile go nna le monyenyeno le go nna maatla.

O ka tswa o ipotsa gore o ka dirang go tshela le go obamela mo letsatsing le la Sabata o go supa malebogo a gago le go ithatafatsa le ba bangwe ka gona le diteko kwa pele.

O ka simolola gompiano go rapela mo sephiring le go rapela le ba lelwapo go lebogela tsothe tse Modimo a go diretseng. O ka rapelela go itse se Morena a batlang o se dira go mo direla le ba bangwe. Bogolo jang, o ka

rapela go nna le Mowa o o Boitshupo o go bolelele ka mongwe yo o bolawang ke bodutu kgotsa a tlhoka yo Morena a ka batla o mo etela.

Nka go solofetsa gore dithapelo tsa lona di tlaa arabiwa, le fa o diragatsa dikarabo tse o di amogelang, o tlaa bona boitumelo mo Sabata, mme pelo tsa lona di tlaa tlaa malebogo.

Ke fa bopaki gore Modimo Rraetsho o a re itse le go re rata. Mmoloki, Morena Jeso Keresete, o letlantse dibe tsa rona ka lebaka la lorato go wena. Bone, Rraetsho le Morwa, ba itse leina la gago jaaka Ba itse leina la Moperofeti Joseph Smith fa Ba mo itshupetsa. Ke fa bopaki gore se ke Kereke ya ga Jeso Keresete le gore O tlaa tlotlot-matsa kgolagano e o e dirileng le go e ntshafatsa le Modimo. Tlhologo ya gago e tlaa fetoga go tshwana le ya Mmoloki. O tlaa thatafadiwa kgatlhanong le thaelo le maikutlo a go tloka tumelo ka se e leng boammaaruri. O tlaa bona boitumelo mo Sabateng. Ke a lo solofetsa mo leineng la Morena Jeso Keresete, amene.


DINTLHA

1. Bona Dithuto le Dikgolagano 59.
2. Dithuto le Dikgolagano 59:5, 7–8.
3. Dithuto le Dikgolagano 59:21.
4. “Count Your Blessings,” *Hymns*, no. 241.
5. Moronae 4:3; 5:2; Dithuto le Dikgolagano 20:77, 79.
6. 1 Nifae 14:12, 14.
7. Dithuto le Dikgolagano 78:17-19; tlaaletso e e gatlelang.
8. Mosaeya 24:13–15.

Dithuto tsa Nako ya Rona

Go tswa ka Ngwanatsele 2016 go ya Moranang 2017, Boperesiti jwa ga Melekisetse le tsa Mokgatlho wa Thuso mo di Sontageng tsa bone di tshwanetse go baakanyediwa go tswa mo nngwe kgotsa dingwe tsa dipuiso tse di neetsweng mo khonforenseng ya kakaretso ya Moranang 2016. Ka Moranang 2017, dipuiso di ka tlhophiwa go tswa gongwe khonforenseng ya kakaretso ya Moranang le Phalane. Boporesidente ba Lomapo le dikgaolo ba tshwanetse go tlhophisa dipuiso tseo di tlaa dirisiwang mo mafelong a bone, kgotsa ba ka abela maikarabelo a go bobishopo le boporesidente ba makala.

Dipuiso tse diteng ka (diteme tse difarologanyeng) ko conference.lds.org



Ka Moporesidente Thomas S. Monson

Tsela e e Itekanetseng ya Boitumelo

Ke fa bopaki ka mpho e kgolo e e leng thulaganyo ya ga Rraetsho go rona. Ke tsela e e nosi e e itekanyetseng ya kagiso le boitumelo.

Bakaulengwe, lotlhe ba lo mo Conference Center le ba ba anameng le lefatshe, ke motlotlo ka tshono ya go abelana megopolo ya me le lona mo mosong ono.

Ngwaga tse masome a matlhano le bobedi tse di fetileng, ka Phukwi 1964, Ke ne kena le thomo kwa Toropong ya New York ka nako ya Ditshupo tsa Lefatshe tshwerwe koo. Moso mongwe ka etela Mormon Pavilion gone ko ditshupong. Ka goroga pela ga baesekopo ya Kereke e supiwa *Go Batla Boitumelo ga Motho*, go supiwa ga thulaganyo ya poloko seo e sa le e nna seelo sa Kereke. Kene ka nna go bapa le lekawana la dingwaga tse di ka nnang 35. Re ne ra bua ka bokhutshwane. Ene e se leloko la Kereke. Dipone tsa fokotsa lesedi, mme tshupo ya simolola.

Ra reetsa lentswe la yo o bolelang polelo a botsa potso: Ke tswa ko kae? Ke eng Ke le fa? Ke ya ko kae morago ga botshelo jo? Tsebe tsotlhe di reeditse go utlwa karabo, le matlho otlhe a lebile setshwantsho se se supiwang. Tlhaloso ka botshelo jwa

pele re tla mo lefatsheng ya neelwa, le tlhaloso ya maikaelelo a rona mo lefatsheng. Ra bontshiwa tshupetso e e amang ya monnamogolo a tlogela lefatshe le le ka kwano mme a kopana gape le lwapa la gagwe ba ba tlhokafetseng pele.

Kwa bofelong jwa tshupetso e ntle e ya thulaganyo ya ga Rraetsho yo o kwa Legodimong, batho ba tswa ka tidimalo, ba le bantsi ba amilwe ke molaetsa wa baesekopo eo. Lekawana le le neng le ntse go bapa le nna la seka la emelela. Ka mmotsa fa a itumeletse tshupetso eo. A Fetola ka gore: “Se ke boammaaruri!”

Thulaganyo ya boitumelo ya ga Rraetsho e anamisiwa ke baanamisa efangele go ralala lefatshe. Ga se botlhe ba ba utlwang molaetsa o ba ba o salang morago. Le fa go ntse jalo, banna le basadi gongwe le gongwe, jaaka mmotlana wa tsala ya me ko New York ka Ditshupo tsa Lefatshe, ba lemoga boammaaruri, mme ba baya dikgato tsa bone mo tseleng e e ba isang gae ka tshireletso. Matshelo a bone ka metlha a fetoga.

O botlhokwa mo thulaganyong ke Mmoloki, Jeso Keresete. Kwantle ga tetlanyo ya setlhabelo sa Gagwe, tsotlhe di ka latlhega. Ga go a lekana, le fa gontse jalo, fela go dumela mo go Ene le thomo ya Gagwe. Re tlhoka go bereka le go ithuta, go batla le go rapela, go ikwatlhaya le go iteka. Re tlhoka go itse melao ya Modimo le go e tshela. Re tlhoka go amogela ditlhomo tsa Gagwe tse di bolokang Fela ka go dira seo re tlaa amogela boammaaruri, boitumelo jo bo sa khutlheng.

Re segofaditswe go nna le boammaaruri. Re na le tiro ya go *abelana* boammaaruri. A *retsheleng* boammaaruri, jo re ka bo fitlhelelang botlhe jo Rraetsho a re bo beetseng. Ga a dire sepe fa e se sa poelo ya rona; O re boleletse, “Se ke tiro ya me le kgalalelo ya me—go tlisa go diragatsa bosasweng le botshelo jo bosakhutleng jwa motho.”¹

Go tswa mo boteng jwa pelo ya me le ka boikokobetso, Ke fa bopaki ka mpho e kgolo e e leng thulaganyo ya ga Rraetsho go rona. Ke tsela e e nosi e e siameng ya kagiso le boitumelo gotlhe fano le mo lefatsheng le le tlang.

Bakaulengwe, Ke le tlogelela lorato lwa me le tshogafatso jaaka ke tswala, mme ke dira jalo ka leina la Mmoloki le Morekolodi, e bong Jeso Keresete, amene.

NTLHA

1. Moshe 1:39.

2016 bona Intellectual Reserve, Inc. All rights reserved. E gatisitse mo USA. Tetla ya Sekgoa: 6/16. Tetla ya Thanolo: 6/16. Thanolo ya *Visiting Teaching Message*, November 2016. Tswana. 12871 763